



Kuony tuej de röt tënë mīth kën guo nanj pëi ke 12

Cīt e röt ë meth nyuoth: enu bī loi



Kākā aa cīt e rötë meth nyuoth:
yol, aguguk, wëëi la witwit(yuityuit),
lagānygāny, awuou de röt, röl de wëëi
mēt e yic, ciën wëëi, ciën röl bōbic, cīn
tōc, mār de nyīc



Naa nyoth meth gerë cīt ke röt, **cəl 000**
ēmantōjē. Kuony dhöl nyeei ë ke kē
cē yic thiōök yic, cī nyōth ciēēn. Raan
e luui abē tō nē jīt kōu ago yīn kony.




Täacë meth piiny nē yī kōk. Dom thoñjē
meth kē yōr nē yī cin. Loi cin thar bīn
meth **gut/deeny nē kemke jir**. Yiēnē
guut ke dhīc. Ye tīñ nē kemke guut kuba
tīñ naa cē kē thiōökë jääl.

Kuony tuej de röt: dhöl bō



Naa kën kē cē thiōökë jääl, täacë/kanë
meth nē ke kōu. Tääuë **cin kerou nē**
pēm (Puōu) yic ciēlic, ku yiēnē pīk ke
dhīc — cītmen de nīēc nīēc ë CPR
kuke ya ēmāāth ku amoth. Caar ba tīñ
naa cē kē cē thiōökë nē kuer aliric ë
jääl nē kemke pīk.




Naa cē kē cē kuer alir thiōökicë yic luāt
wälë cī nyaai, nyaaië kēdīt nē cindun
thiñ theer. Tääuë meth tē bī yen guōp
bak thīn kē ca rōñ kē cī tīer nhom piny.




Naa rōt meth kē rät(röt), wel guut ke
kōu ke dhīc ku pīk ke pēm (Puōu) ke
dhīc. Naa **bō meth kē kuc rot (thōök)**,
jok CPR de meth.


Gël ë röt



Mīthë līrēt ku mīth kor alēu bīkī röt nē kē
thiñ kor wār nūëk ë mīthir-20. Tōu aduot
thiñ kor tē cē dōötë ke thīn. Caathë piny
ba lo kē yī cot rot piny nē gēdhur de
bērë menhdu ku tīñ piny.



Ye nyin tīt nē mīth tē ciēm kek nē mīth
(kuñ) ril kōth. Loi nūëk ë mīth ë ke kor.
Thal, kut wälë määte mīth (kuñ) ril kōth
cīt yīk dēu ke tiim ril kōth ku līm. Päl kē
nōñ pāt ku mīth kōk ril kōth.



Ye run cī ke gam nē biäkke thoñj buoñth
cōk alawēn. Päl thoñj nōñ yān kor, yānē
dhuoñj, yān la riuriu(riawriaw) wälë
ujäär nōñ tē ye tuaany. Caathë thoñj lon
nōñ kek kē cī tääu thīn cī liep kōth ku
thamulaa (mathumäär) lälörlōör ku yān
ye tuaany.